

古今尺牘大觀

上編九



古今尺牘大觀 上編

第九冊

目錄

敘事類

致賀

唐權德輿賀崔相國書

唐韓愈賀徐州張僕射白兔狀

唐柳宗元賀趙江陵宗儒辟符載啟

唐柳宗元賀進士王參元失火書

唐李翱賀行軍陸大夫書

唐元稹賀裴相公破淮西啟

唐李商隱賀相國汝南公啟

唐李商隱爲濮陽公上楊相公狀

唐李商隱爲濮陽公上陳相公狀

唐李商隱爲尙書濮陽公賀鄭相公狀

唐李商隱爲滎陽公賀幽州破奚寇上中書狀

唐李商隱爲滎陽公上集賢韋相公狀

唐李商隱爲滎陽公上宏文崔相公狀

唐李商隱爲滎陽公上河中崔相公狀

唐李商隱爲滎陽公上史館白相公狀

唐李商隱爲滎陽公賀幽州張相公狀

唐李商隱爲滎陽公上通義崔相公狀

唐李商隱爲河東公上李相公狀

唐李商隱上座主李相公狀

唐李商隱上李舍人狀

唐李商隱賀翰林孫舍人狀

唐李商隱爲濮陽公上白相公杜相公崔相公馬相公鳳翔崔相公賀正啟

唐李商隱爲濮陽公賀丁學士啟

唐李商隱爲滎陽公賀白相公加刑部尙書啟

唐李商隱爲滎陽公賀韋相公加禮部尙書啟

唐李商隱爲河東公上尙書侍郎給事賀冬啟

唐李商隱爲河東公上西川白司徒相公賀冬啟

唐李商隱爲河東公上四相賀冬啟

唐李商隱爲河東公上翰林院學士賀冬啟

唐李商隱爲湖南座主隴西公賀馬相公登庸啟

唐李商隱爲尙書范陽公賀吏部李相公啟

唐李商隱爲度支盧侍郎賀畢學士啟

唐李商隱爲興元裴從事賀封尚書加官啟

唐李商隱賀崔相公轉戶部尚書啟

唐胡曾賀高相公除荆南啟

唐黃滔賀正啟

唐黃滔賀正第二啟

稱頌

漢延篤貽劉祐書

漢孔融與韋休甫書

魏文帝鑄五熟釜成與鍾繇書

魏文帝與孟達書

魏王朗與許文休書

魏董昭作曹公書與楊奉

蜀馬良與諸葛亮書

吳主皓答華覈

吳薛綜與諸葛恪書

梁邵陵王綸答皇太子示大法頌啟

梁沈約與陶弘景書

梁沈約答樂藹書

梁沈約報王筠書

梁沈約報劉杳書

梁劉峻與舉法師書

隋崔躋答豫章王書

唐于邵爲崔僕射與郭令公書

唐于邵爲崔僕射與朱泚書

唐于邵與侯二山人書

唐權德輿答左司崔員外書

唐韓愈答李師錫秀才書

唐韓愈答楊子書

唐韓愈答元侍御書

唐柳宗元與太學諸生喜詣闕留陽城司業書

唐柳宗元答貢士蕭纂求爲師書

唐柳宗元答吳秀才謝示新文書

唐杜牧上河陽李尙書書

唐李商隱爲李貽孫上李相公啟

唐李商隱爲汝南公上淮南李相公狀

唐李商隱爲滎陽公上宏文崔相公狀

唐李商隱爲滎陽公上僕射崔相公狀

唐李商隱爲滎陽公上西川李相公狀

唐李商隱爲滎陽公與浙西李尙書狀

唐李商隱上河中鄭尙書狀

唐李商隱爲滎陽公上陳許高尙書啟

唐李商隱爲滎陽公賀太尉王司徒啟

唐溫庭筠上蕭舍人啟

唐林簡言上韓吏部書

唐黃滔刑部鄭郎中啟

唐黃滔與沈侍御啟

唐黃滔西川高相啟

唐徐鉉爲蕭給事與楚王書

責讓

周燕惠王遺樂毅書

周文種矢書答吳王

漢武帝敕責楊僕書

漢成帝賜趙婕妤書

漢蘇武報李陵書

漢劉歆移讓太常博士書

漢胡毋班與王匡書

漢秦嘉妻徐淑爲誓書與兄弟

吳大帝讓孫皎書

晉王羲之遺殷浩書

晉韓延之報宋公書

宋臧質答魏主拓跋燾書

宋王玄謨報南郡王義宣書

宋沈攸之遺蕭道成書

齊高帝報沈攸之書

齊曹虎答魏主拓跋宏書

陳徐陵答諸求官人書

北周申徽爲周文帝責侯莫陳悅書

唐蔣儼責田游巖書

唐王泠然論薦書

唐王泠然與御史高昌宇書

唐陳章甫與吏部孫員外書

唐任華告辭京尹賈大夫書

唐李翱論事於宰相書

唐孫樵與李諫議行方書

唐皮日休移成均博士書

唐羅隱上招討宋將軍書

後唐莊宗讓契丹阿保機書

絕交

漢朱穆與劉伯宗絕交書

魏嵇康與山巨源絕交書

魏嵇康與呂長悌絕交書

齊荀平遺王秀之書

古今尺牘大觀 上編

第九冊

杭縣 姚漢章
張相 纂輯

敘事類

致賀

唐權德輿賀崔相國書

伏惟大方全德。自中發外。蘊爲志氣。播爲事業。然則阜庶生物。操持化權。結於衆心。爲日固久。且大賢之出處天下之否泰也。故詔下之日。人人相慶。又早歲獲覩皇極。綜論元德。志孤雲賦。淒風詩。伏讀累日。備見精慮之所至。言理亂者多。推世運於必然。殊不知弛張變化。存乎其人而已。自古哲賢之徒。或尙志不展。鬱堙當世。長歎痛哭。於是乎作。伏惟以常所感慨。申於盛明。使三辰光潤。萬方軌道。實在

指顧。豈逃。穀中。且以西漢公輔言之。蕭曹以清靜熙帝載。良平以謨明贊王業。至宣帝時。則魏相通故事。邴吉知大體。斯皆章章可言者也。洎夫張蒼之律麻。孫宏之文章。韋賢之好學。平當之有恥。然亦號爲賢相。抑又次焉。至若匡張孔馬。服儒衣冠。被阿諛之譏。不勝其任。最下則陶青劉舍。莊翟趙周之徒。皆齷齪備位。故身名偕泯。夫此數子者。豈不粗知君臣之道。古今之變哉。病於無所發明。保持祿位而已。有時無功。可不謂大哀乎。又古人有立德立功立言之訓。顧惟多幸。獲覽炳然之文。又備陳餘論。有以見大君子遣辭發慮宏裕溥博者矣。惟德與功實在今日。洒天下之耳目。復萬物於全性。在丈人踐而行之。守而終之而已。不宣。某再拜。

唐韓愈賀徐州張僕射白兔狀

伏聞今月五日。營田巡官陳從政。獻瑞兔。毛質皤白。天馴其心。其始實得之符離安阜屯。屯之役夫。朝行遇之。迫之弗逸。人立而拱。竊惟休咎之兆。天所以啓覺於下。依類託喻。事之纖悉。不可圖驗。非睿智博通。孰克究明。愈雖不敏。請試辨之。兔

陰類也。又窟居。狡而伏。逆象也。今白其色。絕其羣也。馴其心。化吾德也。人立而拱。非禽獸之事。革而從人。且服罪也。得之符離。符離實我國名。又附麗也。不在農夫之田。而在軍田。武德行也。不戰而來之道也。有安阜之嘉名焉。伏惟閣下股肱帝室。藩垣天下。四方其有逆亂之臣。未血斧鑕之屬。畏威崩析。歸我乎哉。其事兆矣。是宜具跡表聞。以承答天意。小子不惠。猥以文句微識。蒙念觀茲盛美。焉敢避不讓之責。而默默邪。愈再拜。

唐柳宗元賀趙江陵宗儒辟符載啟

某啟。伏聞以武都符載爲記室。天下立志之士。雜然相顧。繼以歎息。知爲善者得其歸嚮。流言者有所間執。直道之所行。義風之所揚。堂堂焉。實在荆山之南矣。幸甚幸甚。伏以符君之藝術志氣。爲時聞人。才位未會。盤桓固久。中間因緣。陷在危邦。與時偃仰。不廢其道。而爲見忌嫉者。橫致辱吻。房給事以高節特立。明之於朝。王吏部以清議自任。辨之於外。然猶小人浮議。困在交戟。凡諸侯之欲得符君者。

域聯壤接而惑於騰沸環視相讓莫敢先舉及受署之日則皆開口垂臂悵望悼悔譬之求珠於海而徑寸先得則衆皆怏然罷去知奇寶之有所歸也嗚呼巧言難明下流多訕自非大君子出世之氣則何望焉瞻望清風若在天外無任感激欣躍之至輕贖陳賀不勝戰越不宣謹啟

唐柳宗元賀進士王參元失火書

得楊八書知足下遇火災家無餘儲僕始聞而駭中而疑終乃大喜蓋將弔而更以賀也道遠言略猶未能究知其狀果若蕩焉泯焉而悉無有乃吾所以尤賀者也足下勤奉養樂朝夕惟恬安無事是望也今乃有焚煬赫烈之虞以震駭左右而脂膏滫瀡之具或以不給吾是以始而駭也凡人之言皆曰盈虛倚伏去來之不可常或將大有爲也乃始厄困震悸於是有水火之孽有羣小之慍勞苦變動而後能光明古之人皆然斯道遼闊誕漫雖聖人不能以是必信是故中而疑也以足下讀古人書爲文章善小學其爲多能若是而進不能出羣士之上以取顯

貴者。蓋無他焉。京城人多言足下家有積貨。士之好廉名者。皆畏忌不敢道足下之善。獨自得之心。蓄之銜忍。而不出諸口。以公道之難明。而世之多嫌也。一出口則蚩蚩者。以爲得重賂。僕自貞元十五年。見足下之文章。蓄之者。蓋六七年。未嘗言。是僕私一身而負公道久矣。非特負足下也。及爲御史尙書郎。自以幸爲天子近臣。得奮其舌。思以發明足下之鬱塞。然時稱道於行列。猶有顧視而竊笑者。僕良恨修己之不亮。素譽之不立。而爲世嫌之所加。常與孟幾道言。而痛之。乃今幸爲天火之所滌盪。凡衆之疑慮。舉爲灰埃。黔其廬。赭其垣。以示其無有。而足下之才能。乃可顯白而不污。其實出矣。是祝融回祿之相。吾子也。則僕與幾道十年之相知。不若茲火一夕之爲足下譽也。宥而彰之。使夫蓄於心者。咸得開其喙。發策決科者。授子而不慄。雖欲如嚮之蓄縮受侮。其可得乎。於茲。吾有望於爾。是以終乃大喜也。古者列國有災。同位皆相弔。許不弔災。君子惡之。今吾之所陳。若是有以異乎古。故將弔。而更以賀也。顏曾之養。其爲樂也大矣。又何闕焉。足下前要僕

文章古書極不忘。候得數十幅乃併往耳。吳二十一武陵來言。足下爲醉賦及對問。大善。可寄一本。僕近亦好作文。與在京城時頗異。思與足下輩言之。桎梏甚固。未可得也。因人南來。致書訪死生。不悉。宗元白。

唐李翱賀行軍陸大夫書

某月日。布衣李翱。寄賀書。謹再拜大夫閣下。竊聞閣下白宰相。使汴州人執鄧惟恭。歸於京師。奏天子。處其輕重生死罪。伏覩詔書。捨惟恭死罪。俾永爲黔首於汴州。翱九月時上宰相書。言政刑中有詞曰。親戚懷二殺之可也。況懷二且非親戚哉。當是時。惟恭在其位。故不直書而微其詞。然則惟恭之罪。聞知於四方。其孔甚已。嗚呼。亂本旣除矣。自茲日。厥後。汴宋潁毫人。其無事矣。豈汴宋潁毫人而已。實天下皆受其利。昔閣下爲建州刺史。人足食。與衣。且知廉恥。禮義治平。爲天下第一。其爲信州。猶建州也。其爲汝州。猶信州也。汴人苦其政失。其心十五年矣。久則不易變矣。亦惟閣下孜孜不怠。致汴州猶汝州也。天下莫不幸甚。而翱則喜樂乎。